



Kat. Komp.

36821

I

Mag. St. Dr.

P

*Chetowski Dionysius Epita-
phia Divi Martyris Stan-
slai Episc. Crac.*

*Typi Cler. mont. Crac.
1713.*

Teol. 1605.



36821

I

XXIV. 6. 26

EPITAPHIA

DIVI MARTYRIS

STANISLAI

EPISCOPI CRACOVIENSIS

in Rupella post necem

Dono Prof. Craco. A. ad Barbero
T V M V L A T I.
Quibus annectuntur

EPITAPHIA

Petravini resuscitati à D. STANISLAO

Długosii Canonici Cracov: Chronologi.

D. STANISLAI.

Boleslai Regis Occisoris.

&

ILLUSTRISSIMI DOMINI

FRANCISCI SZEMBEK

DAPIFERI REGNI

Magni Cultoris Divi Stanislai

Ab indigno Servo & Exoratore P. DIONYSIO

CHEŁSTOWSKI Ord: S. P. P. E.

CONSCRIPTA.

Typis Clari-Montis Czeſtochoviensis 1713.

In Stemma.
Illustrissimi & Reverendissimi
DOMINI.



Cum roseos Patrio referas in stēmate flores.
Omen perpetui Lechia veris habet
Hic Patria promittit bina Capella triūphos
Cornua nāque oleas pacis, & arma dabūt.

36. P. 21

I

ILLUSTRISSIMO
&

Reverendissimo Domino

D. MICHAELI

IN SĚVPOW

SZEMBEK

Dei & Apostolicæ sedis
gratia

EPISCOPO PAPHENSI

SVFFRAGANEO, DECANO,

VICARIO

in spiritualibus,

&

OFFICIALI GENERALI

Cracoviensi &c. &c.

*Domino Domino Patrono Benefa-
ctori Clementissimo.*



ILLUSTRISIME

&

Reverendissime Domine.

AD Tubam Nominis
Tui, etiam mortui
resurgunt. Sepulchrali in-
clusus ergastulo Divus Sta-
nislauſ, ſiſtit ſe Tibi, ſo-
la nominis Tui excitatus
voce. Michaël cum ſis fa-
mæ Tuae glorioſo ſonitu,
non ſolū orbem viven-
tium, verū etiam & pro-
fundas

Domg Joseph Siao: P. ad S. Barthe
fundas mortuorum reple
cavernas. Sub signo libræ
D. Michaëlis, pretiosa
morte, mori contigit Stani-
slaum in Rupella, sed æquè
sub fausto resurgit signo,
quia sub gentilitio Capri-
cornu Tuo, Non me obte-
statione illa Salomonicâ li-
gabis Illustrissime Domine.
Adjuro vos per capreas,
ne fuscitetis, neq; evigi-
lare faciatis dilectam (a-
nimam Stanislai) donec
illa velit: eam enim D.
Stanislai Tibi testatam vo-
luntatem

luntatē pro cōperto habeo,
ut pro Te semper, veluti
Antipater vigilet: pro cu-
jus indefinēti cultu Tu
quoq; vigilas, & insomnes
ducis noctes. Altercabatur
Michaël Angelorum Prin-
ceps de corpore Moysi, va-
riaq; movebat quæsitā, ut
sepulchri Mosaici locum
exploratum habere posset;
Tu verò Angelici Cleri
Princeps MICHAEL
ILLUSTRISSIME DO-
MINE sinè ullo altercatio-
nis motu, non ignotam san-
ctioris

Etioris Palinuri D. Stanislai habens sepulchralem arenam, devotis quotidie spectas oculis, corpusq; Moy- sis nostri, ubi decumbat, minime in dubium vertis, cum bene scias eum, in Tuo reconditum manere corde, ibiq; felicem sortiri requiem, ita, ut dici liceat, & Drusum tumulus pro Jovis arce manet. Quod Tragedus scripsit, hoc verius Stanislaus expressit, his verbis ad Te: Consigno Tibi imaginem vitæ meæ.

Exem.

*Exemplar ejus ita observa-
sti, ut omnigenæ perfectio-
nis Sczepanovianæ stylum
imitari, studuisti. Pontifi-
tium postquam profundo
humilitatis affectu comple-
xus es pedum, illud statim,
in pietatis, quam à Tuo di-
dicisti Stanislao, veluti in
firma solidasti petrâ. Pie-
tatis officia dum sedulo e-
xerces animo, non verbo, nō
nutu, neq; imperio, verum
mero exēplo ad paria cogis
agenda. Nemo sibi persua-
dere potest, ut non conetur
devotâ*

devotâ repetere praxi, quæ
Te in spiritu humilitatis
egisse pro Deo, & Orthodo-
xæ fidei incremento, sumus
experti. Tyara Tua, qua
Te supremi Numinis coro-
navit Imperium, non tam
sub ponderosis gemmis sæpè
gemit, quàm dum eam pla-
nè assiduo in Ecclesia Dei
gravare videris labore, e-
amq; frequenti atterere u-
su. Nescis Tibi parcere,
imò ad Altare Dei consu-
mere Te vis, ut soli Deo, la-
boribus fractus, in victimam
cedas,

cedas. Expresserat quidam
vivo planè colore aridū Ro-
sæ germē, cui volitātes ap-
pinxit mellificas apes, ex
siccâ tamen Rosæ virgultâ,
succum nullum reportantes,
cum hoc adjecto: Nos au-
tem sperabamus. Procul
est, & erit ariditatis nota
à vestro Roseto (quanquā
& proprio in conservatio-
nem Corporis Reipublicæ
Vosmetipsos evisceratis san-
guine) quod cœleste Nu-
men supremo donavit hu-
more & honore. Medul-
la

la Rosæ Vestræ phyticæ
siccitati minimè obnoxia,
quia vitioso fonte nunquam
humectata. Nos autem spe-
rabamus, sed spem nostram
superavit eventus. Primas
Et Princeps est florum, Ro-
sa, ex qua non aliter spera-
bamus, nisi Primatem Prin-
cipemq, Regni aliquando o-
riundum. Symbolum silen-
tij Rosam dixere priores,
nos autē sperabamus ab hoc
silentiario flore supremum
Regni Cancellarium nasci-
turum, sed spem nostram
su-

superavit eventus, cū is,
qui os Regni fore tantū
sperabatur, simul sit oracu-
lum mundi. Quot folia
Gentilitiæ Rosæ, tot inex-
plicabilis Dignitatis Præsu-
les, & Purpuratos Quirites
numeramus SZEMBECI-
OS: jam Metropolitanam
Gnesnam avita Stanislai
Principis Primatisq; Regni
Rosa coronat, jam Paphe-
sem Cathedram Rosa Mi-
chaëlis felicissimè fulcit,
jam Livoniæ sedem, &
Chetnensem Præsulatum
utrinusq;

*utriusq; Christophori Szē-
bek Rosa gubernando de-
corat: nos autem idipsum
sperabamus. In supremo
Dapifero Regni Capitaneo
Radomiensi etiam spes nos
non fefellit: quidquid enim
sperabamus, Rosa effectu
docuit. Nec hīc meta, nec
hīc scopus spei nostræ, huc-
usq; sperabimus, & cum vo-
tis nostris luctabimur, quo-
usq; & Te Illustrissime Do-
mine & universam Celsis-
simam Domum in supremo
Honorum culmine, faven-*

*te Deo non spectabimus.
Ad sonum Tubæ Michaëlis
Tutelaræ Tui parebūt Ho-
norum agmina, vocemq;
Tuam audient, & sub um-
bra odoriferæ Rosæ Tuæ
quiescere ambient, sub qua
& Sacra Divi Stanislai ut
requiescant ossa, exoro.*

**Illustrissimæ Dominationis
Vestræ.**

**Humillimus Exorator & Servus.
F. Dionysius Chełstowski.**



Approbatio Ordinarij.

ANno Domini 1713. die 9. Augusti hunc librum, Epithaphia Divi Martyris STANISLAI Episcopi Cracoviensis intitulatum & bene scriptum, diligenter legi & approbo, M. Basilus Płasczewski Sacrae Theol: Doctor & Professor, Ecclesiarum Cathedra-
lis Cracoviensis Canonicus, Collegiatæ Sanctorum Omnium Præpositus S. R. M. Secretarius Librorum Diæcesanus Censor.

mpp.



E Pitaphia D. Martyris
ESTANISLAI & alio-
rum à Reverendo Patre
Dionysio Chelstowski Or-
dinis nostri S. Pauli Pri-
mi Eremitæ SS. Theolo-
giæ Doctore Vicario Pro-
vinciæ Priore Cracoviēsi
Professore Theologiæ cō-
posita, & à nostris Patri-
bus perlecta & probata,
ut typis mandentur facul-
tatem concedo. Anno D.

1713. 22. Mēf. 7bris.

F. Anastásius Kiedrzynski
Provincialis.

mpp.



EPITAPHIUM I.

Siste gradum Viator.

Hic ego sum Pastor
quem propria arietavit ovis.
Velleris aurei hæc ovicula fuit,
sed brevi pilum mutavit.

Unctam oleo more Regum non semel linivi
cuius tamen unctio extrema mihi facta est.

Ex Cannis Kiioviensibus redux
desidiotum tulit in moribus Annibalem
dulci amore Patriæ, in acidum mutato humorem.
Dulcoravi melleo verborum succo nimis amaram
in patritios regnandi Principis potestatem,
minimè tamen

ex Severienti Duce clementem fieri.
Corruptelam morum quoties curavi,
toties lividius, quasi recrudescens
de die in diem vulnus invenì.

Coronatum caput, si infirmari vidi,
manus meas imposui

A ~~peccator~~ pessimè

peſſimè tamen erga me habuit.
Throni alieno thoro coinquinati ſi vindex
zelofus extiti :

pro zelo , notam aulæ reportavi.
Si quando turpe fácinus non coloravi
diſcolor, & diſcolus aulæ dictus fui.

Pupillorum ſi cauſam egi ,
cauſam offenſæ dedi.

Viduarum iniurias ſi propoſui,
Litigioſum ens me Regij dixère Quirites.
Eccleſiarum cenſus ſi expoſtulavi
pro cenſu, cenſuram obtinui.

Naturæ leges, exlegi Regi, ſi cuſtodiendas ſuaſi;
eos ipſos catelloſ, quos, naturæ lux oblitus,
humano ablactandos fecit ubere

latrare contra me fecit, non ſine crudeli morſu.

Crimine læſæ Maieltatis notatus,

illud crimen fiteri cogor ;

me voluiſſe Principem ,

in throno fuiſſe,

extra omne crimen.

Sacris intentū me Boleſlaus adiit,
non

ut pre-

ut preces funderet sed sanguinem.

Circa cæleste convivium,

meam dum occupabam mentem,
ut Angelico Aram Dei instruerem edulio,

en ecce

non invitatus se stitit hospes,

qui

Humanitate Corporis Christi,

minime civilior factus

inordinato gustu caput meum appetijt,

ac si

Cælestis mensa,

ipso Rege pro incisore egeret.

Scrutatus est gladio caput meum,

ut sciret

occultas cogitationes meas,

inde tamē, nihil expiscari potuit,

præter odium vitiorum.

Stylum ferreum impressit cerebro meo,

Caput enim meum schola patientiæ erat.

Ejusdem farinæ secum sævam duxit catervam

ut

A 2

pesti-

pestimo eorum fermento totam corporis mei
massam corrumpere.

Currebant veloces pedes eorum,
ad effundendum sanguinem,
certè hic cursus meus, decursus fuit.
Sacra Deificis carnis manibus,
dum tracto mysteria
malè tractor à Rege.
Hosti Hostiam opposui

&

veluti scutū contra istum belli supra caput elevavi.
Intra Sacrificij oblata venerat iratū terræ Numen
placari tamen propitiatoriā altaris
minimè potuit victimā.

Modum consecratorium vitavit Princeps,
dum elevaro Corpori Christi
notū idq; cruentū accidens superaddidit.
Jecurum pati Christum cōegit Boleslaus
novam etenim in conversione Panis
in corpus fecit alterationem.

Incredulū se reddidit Thomam ex vulnere,
cū tamen levi corde cito credere consueverat
auritis suscitronibus vulnere dignis.

Non plus ultra consecrationem,
in divinis mihi progredi licuit

ut in-

ut infinitum etiam ex operante
maneret meum Sacrificium.

Hic mirare Viator

Ego seminavi, alter meruit,

alter me à fructu arcet ;

ego coenam meam instruxi,

sed inimicus homo venit,

& quæ parata erant destruxit.

Elusit desiderium meum Boleslaus,

posuit enim ori meo custodiam,

ut non sumerem cibum gradium.

Divino id factum puta viator consilio,

~~ut~~ ut

non gustarem Sancta Sanctorum

in fortitudine enim cibi illius,

caderent à latere meo mille,

& decem millia à dextris meis,

& non tam citò compos fierem laureæ certaminis.

Adverte tamen Viator,

quomodo enim speciebus velatum

sumpturus eram Deum

quo jam tunc facie ad faciem,

A 3 ~~per~~ per

per speciale martyrij privilegium
frui erat concessum.

Ante fractionem panis in osculo pacis
mors Sancta me prævenire iussa,

ne,

si ex fractione panis me cognovisset Boleslaus,
ab intentatâ cessasset nece.

Pignus futuræ gloriæ reliqui Boleslao,
talibus enim hostijs,

etiam ab hostibus promeretur Deus.

Agnum Dei ante communionem
in pectore meo non posui,

ut

esset qui peccata Regis tolleret.

Condole Viator

ubi Ioannis verba finem sacrorû debebât claudere,
ibi concludunt Boleslai verbera.

Devenire ad initium Ioannis
me non permisit Principis ira,
verebatur enim

ne hæc Evangelica Aquila Iovis ministra,
verba sacri Evangelij verteret in fulmina.

Hic in Domino obdormivi,
ante

ante sumptionem Cænæ Domini,

& in umbra mortis noctem feram
meridiano tempore inveni.

Somno Iacob occubui
cui tota Rupella in unum,
supra quem caput reclinavi,
coaluit lapidem,

Morte Baptistæ decessi,
cum hoc tantum discrimine
quòd ibi motu Regis,

Saltatrix puella in caput eius insilierit,
hic ipsemet Rex transiliens Rupellæ colles,
in collum capitis mei impegit.

EPI TAPHIUM II.

Subsiste Viator

Et ubi cecidisse Stanislaum conspicias,
ne mirare:

hic enim casus profundi cultus erat,
non infortunij.

Prodiit in lucem non obscuris Genitoribus
cuius claritatem Rex extinxit

ne

A 4

Maje-

Majestatis suæ maculæ
hac monstrante luce
Polonis paterent Catonibus.
Sors nascendi fecit esse nobilem
correxerat tamen modum naturæ pietas
& fecit in hoc genere nobilissimum.
Cognata Deo ex nomine Bogna
consanguineum Christi enixa Filium,
Genitricem,

Divinū quid spirantem sortitur Stanislaus
nihil enim affinitatis habuit
præterquam cum Deo.

In Bogna Deū invenit Stanislaus;
Ita enim expediebat,

ut authorem vitæ in utero reperiret
de Sczepanovio progenitore
innocens virgulta Stanislaus

Regias aliquando castigatura culpas.

Nescit Sczepanovius palmes alias gignere plantas,
quàm, quæ aut reflorescunt in Pontificium

Sacratioris Aaronis pedum,

aut

per percussionem more Jacobi
pellem

pellē mutare cogunt in ovibus.

Excreverat postmodum
hic Sczepanovius furculus
in ardentem rubum

in quo cornuta satis armatus facie Rex apparuit
qui, fractâ lege contra proximum *non occides*
Sczepanovium sanguine Sacerdotali extinxit rubū
Degeneraverat de stirpe Sczepanovia
hæc virga in Rhamnum,

sub umbra sua quietem datura illis,
quibus Regia

oliva minimè deferens pinguedinem suam,
imperare non erat digna.

Post trinam coniugij decadem
mille votis expetitus,
inter natos mulierum

Surrexit Stanislaus

ut

exinde esset gloria Patri.
Provectam ætatem Patrum
hic sacer expectavit partus,

ut,

ubi repuerascunt senes,

As ille

ille simul puerescere inciperet
cum Patribus.

Extra tempora nascitur,
quia Levita Christi futurus erat.

Szczepanovios genitores
arborem scientiæ boni dices
à qua nihil mali exfluxit pullulans arbutū,

Diu vetita hæc arbor erat,
ne fructum suum ederet,

ac si

deliberare videretur natura parens de eo,
quem violentā manu à protoparente Regni
præsenferat carpendum Boleslao.

Ad seniles usque parentū annos,
differtur Stanislai Genesis,
melius enim,

hic Genesis liber edi in lucem non potuit,
quàm authoribus veteris testamenti.

EPITAPHIUM III.

Sta Viator

Et cerebrum meum

quo

quo Gnesnenses excoluerunt Athenæ
de parietalibus recollige tabulis,
& tuæ imprime memoriæ.

Nequaquam stylum ferreum intellexeram
quem dictante Boleslao libens didici,
ac si erroneus capitis mei fuisset sensus

Rex solus censores egit,

& caput meum,

crudeli glossâ adnotavit.

Lege Viator & luge

muta saxa capiunt mentem cerebri mei,
quàm Rex noluit intelligere ut bene ageret.

Repetit ictum Rex terq; quaterq; pulsât,
& tamen post repetitas vices Barbarismum suum
emendare noluit.

Plana semper cerebri mei fuere cogitata,
ut tamen

clariùs paterent Serenissimo Regi,
expositionem eius,
solus fecit in pariete.

Expositor cerebri mei

seipsum capere non potuit,

nam & caput meum cum articulis comiscuit,

&

&

contradictionē in Regno admisit.

Adverte Viator

maluit cerebrum meum adhærere parietī
quam Regi.

Ut oblivioni darem Regis inclementiam,
memoriam mihi cum cerebro abstulit.

Vide Viator

quàm sudant parietes Templi,
quos cerebrum meum fatigat.

Excusabiles forent sicarii,
si sine cerebro
crimen consummassent.

Apprehende Viator

&

disce à pariete cerebrato passivum esse.

Indelebile est,

quod spectas Viator,

Speciem enim facinoris sui

tunc Rex parietī impressit,

quando sacri massam cerebri pressit.

EPI-

Long. Syllab. p. 11. S. S. ad L. Barberi

EPITAPHIUM IV.

Adesto Viator

& hæc fragmenta collige.

Frustra sunt, sed non frustra,
sub dio jacent, quia soli Deo.

Admirare Viator

vesaniam Regis satellitis,
nisi essent phantastica corpora,
in sacra non sævissent membra.

Aquilas intueri Viator,
partes dismembratas cōgregant,
congregatoris enim sunt Symbola

Apostolici Ioannis.

Antequā partes partibus copulēt,
solem prius pupillā consulunt,
ut

Simetriam partiū ordine naturali collocēt.

Manum non apponunt,

ubi est officium oris,

pedesq; non associant manibus

optimè

optimè enim noverant compositionē eius
dum in Gnesnensi nido, & manum
literaria exercebat pennâ,
& pede scholasticum terebat pulverem.
Ne crimen patricidij inureretur sicarijs,
verum climacterico

ut crederetur obiisse Stanislaus fato,
in septuaginta dismembratur frustra.
In minutas scidit digitos partes iniquitas,
ne haberet justam ex digito malitiæ mensuram.

In aures Pastorales defæviunt,
Ua nè

aliquando suo Pastori
tantum nefas confiteri cogerentur.
Manus innocuæ sanguinem
proprium sibi propinant,
&

ubi calix Sacerdotalis deest,
pugillo poculum passionis
ori adhibent.

Sævitur in pedes Stanislai
verebatur enim iniquitas
ne hoc organum pedale

fugam

fugam modularetur Regi,
Threnūq; de throno præluderet.
Esto totū corpus putatur dissolvi,
idæa tamen eius manet illæsa.
Symbola Regni aquilæ assistunt corpori,
putantes per ipsam necem
jam exauthoratum Regem
& sic quodammodo se transferunt ad Stanislaum
seque resignant in manus eius.

Insignia Regni Aquilæ
nunc signa doloris & gemitus.

Fatigata stitit impietas,
nec amplius vulnera vulneribus addere ausa
ipso enim septimi numeri mysterio
ab opere pessimo quiescere & feriari coacta.

Prope erat dies septimus,
hinc feriam sextam
neci destinant,

ut anticipent quietis à servili opere diem.
Ne aliquando pro patrato crimine
impossibilis obtentu venia
videretur scelestis,

Septu-

Septuaginta se patitur offendi
Stanislaus homicidijs

post repetitas enim septuagesies delictorum vices;
capaces veniæ, iratum Numen facit reos.

Neronem egit Boleslaus in parentem crudelis
ut licentiosius imperaret.

In custodes corporis cælitus datæ aquilæ,
ne infidelitatis arguerentur,
corpus mancum in integro restituunt.

Ad cadaver exangue
contra morem Ecclesiæ silente Clero
en veniunt Aquilæ,
ad quid?
ut canant vigilias.

Adverte Viator

Annularem jugulato corpori deesse digitū
vade & inquire.

EPITAPHIUM V.

Sta in littore Viator,

Piscis hic

quem inter undas spectas

squam-

ſquam mea tumba eſt,
in quā
magnus Secretarius,
quia ſilentij index, idemq; notarius
ſepultus eſt.

Requiem non habet
in profundo enim lacu eſt.
Communi ſepultura privatur,
interdictum enim locale
antequam latum eſſet,
ſcrupuloſus in ſe, obſervare videtur.

Ad piſcinam proijcitur,
inde expectans more Apoſtolorū
vocationem ſui.

Conſepeliri ad Eccleſiam
integro corpore non potuit,
jam enim ibi in locum ſui manus Domini
ſe ei incorporaverat,
& ubi deeſſe ſcriptorium
adnotavit digitum,
nè corpus ſacrum mutilum foret,

B

ſup-

supplevit.

Incinerari non debuit digitus,
qui scriptoriâ incineratus saepe fuit arenâ.

Viator

foveam ci nè fode in monumentum,
planus enim huius articuli stylus
planam debet habere ultimam tabulam.

Viator condole,
viraturus intestinū Boleslai odiū,
en impegit in intestina piscium.

Ad nutum Dei semper erat hic digitus
& tamen inobedientis lonæ
jacere cogitur in tumulo.

Ad olorinum assuetus calammum,
planè in olorem mutatus
inter aquas quærit funus.

Post cruentam proprii sanguinis pluviam,
ut serenitatem inveniret,
Solem quærit in piscibus.

Nè quidquam deesset ad sui funeris vitam
ponitur in aquario exangue cadaver digiti,
ut ei

asper-

Aspersione funebri sepeliendo parente retur;
Ad aquarium celestem foditur hic digitus

~~ut~~ ut

inde adimpleat quæ defuncti sunt.
Truculentis pænis sensus à Baldeilo
dum torquetur venerabilis digitus,
à celesti aquario petit refrigerium.

Baiulus erat Corporis Eucharistici
imo & Crucis gentilitiæ,

Christi vestigia secutus,
in Cedron fluvium intruditur.

Investitus Episcopali annulo
in piscina mergitur

ut

& ipsa elementa judicent de valore eius,
quem aula parum æstimabat.

Moris erat signari,
monumenta signaculis,
annulatus itaq; digitus piscine
monumentum ingreditur,

ut tandem

ad tubam Michaëlis Tutelaris Rupellæ
resurgat ad corpus.

B2 Sed

Sed adverte Viator
quàm non diu latuit in profundo
hic annuli thesaurus

etenim secreti nil amnis habet
Sic dimersa procul durante per intima visu
Cernimus, arcaniꝫ paret penetrale fluenti
Utq; sub ingenuis agitata fontibus herba
Vibrantes patiuntur aquas lucetq; læteturq;
Calculus. Ausonius.

Proditur annulus ipso indigitante indice,
illa enim consecratorij olei unctio,
qua erat Canonicè illioitus

Supernatans piscinæ,
evulgavit sacri digiti sepulchrū

Accendunt & caelestes Genij funebrales tædas
ad squammeum digiti feretrum.

ut
hoc lumine gloriæ beatitudo eius,
oculis corporeis videretur.

Educitur ad portum felicitatis,
de profundis digitus,
nè tamen

squammea crypta exhumato
de vi-

de visceribus digito
vacua foret,
ipsa sibi sepulchrum facta.
Novum gulæ genus in piscibus
nota viator,
digitos absumunt,
ut
non extent,
qui hamum piscatorium
sibi nocivum manu tenere nati sunt.
Extremum digiti inungit
in aqua Stanislaus,
ne
inhumanus diviti epuloni
nimia siti laboranti
videretur
Abi Viator
&
ad nutum sacri digiti revertere.

EPITAPHIUM VI.

Quæ verecundam tegebat frontē,

nunc

hæc tegitur urna,

Insula Stanislai.

Umbella hæc,

contra ætun Maiestatis

erat Stanislao,

verumtamen eam,

Serenissimi radius, tyrio

calore æstuans sic perstrinxit,

ut etiam

capitis dolorem in Præsule causaret.

Theca hæc capitis Pontificij

olim sudoris decidui atramēto conscripta

nunc manu propria Regis maculata.

Delere voluit Rex sudoriferos

Stanislai de hac theca characteres,

& ideo manum suam

sanguine innocenti tinxit.

Theca hæc Ethica erat

de qua

de qua tamen crudelis Princeps
bonos mores discere noluit.

Fulgor huius mytræ
odiosus erat oculis Regis
proinde eam veluti tinea
consumere conatur.

Theca hæc libro vitæ inserta est,
& quamvis Regio denigrata sit stylo
digito tamen Paternæ dexteræ
in albo Dei continetur.

Lege Viator
& ex hac theca caput Stanislai
venerari disce.

EPITAPHIUM VII.

Pastoralis authoritatis insigne
Pedum Episcopale
quo Stanislaus viam madatorum
Dei cucurrit
en claudicat.

Baculus hic,
quo lupos ab ovili fugabat Pontifex,
à Boleslao frangitur
& nè reflorescat in virgam Aaronis
in cinere sterili humatur.

Baculus hic Pastoralis
Kijovienses in Rege excutiens stolones,
ita in durum impegit nodum,
ut frangi cogeretur.

Fulcrum & basis erat Ecclesiæ
hic Pastoralis Scipio;
sed postquam tota domus Regia
pondere criminum gravata
in Stanislaum
ruere cæperit,
etiam Pontificium sustentaculum
opprimi & obrui debuit.

E vena duræ rupis
trino ictu Moyses crystallinas elicuit aquas
at Regia Vaveli petra,
post paternos Stanislai ictus,
non aquas puras,

sed

sed bilosum humorem effudit in Præfulē.
Vitale quid latebat in medulla
 baculi ejus Pástoritij,
 nam ad tactum,
spiraculum vitæ quatrividuus
 recepit Petravinus.
Tridente Neptunus
ad pervadendum æquor
 opus habet,
Stanislaus verò unius baculi
 Episcopalis scaphâ
 sicco pede ;
profundum vistulæ transivit alueum.
Virga hæc directionis
 virga Regni fuit,
sed postquam in prudentem
 versa est serpentem,
contra corruptelam morum sibilantem,
ita est ab ipso Rege incantata,
ut facile capi & contundi permitteretur.
Columna erat hic Episcopalis baculus
ad quam die veneris alter caditur Christus.
B 5 Colu-

Columna erat Pastorale Stanislai pedum;
cui Poloniæ Hercules Boleslaus,
nè ampliùs Pontificiam extendere
posset in coronatum caput auctoritatem,

non plus ultra

styllo ferreò inscripsit.

Viator

Tu huic Pontificio admove
manum baculo,
& contra adversos impetus,
eo te defende.

EPITAPHIUM VIII.

Viator comitare

non tam officio pedum,
quam ambulatoriæ voluntatis passu,
unctas Stanislai exuvias,

quas

Sponsa Ecclesia Cathedralis
novo ad se invitat hymenæo

Translat:

Reliq: D.

Stanisl ad

sedem or-

dinariam

Veni

Veni de Libano Rupellæ

veni coronaberis

Infolens corona Boleslai

meris ijsq; spinosis

intertexta puncturis

in caput Stanislai infilijt,

illudq; cruentavit:

sed pro hoc unico tormēto Regio

~~conspicitur~~ sub trina,

eaq; florentissima quiescere Stanislaus

vocatur ad arcem, coronā.

Rupellæ primam sui obitus linquit cryptā,

Stanislaus,

nam angustia Rupellani loci

magnitudinem operum eius,

& gloriæ vastitatem capere non potuit.

Redit Pontifex post cursum martyrij consummatū

in propriam sedem

ne tamen gratus hospes pro decennali statione

inconsol. tam. abiturus relinqueret Rupellam,

animam suam ibi posuit,

sanguinem quoq; uti animæ vehiculum

se inde movere posset,

parietalibus muris acclavavit.

~~Epitaphium~~ vale

Episc: ar-
cis Crac:
hocce de-
dicatum
Epitaphi.

vale Rupella vitæ parens meæ,
quæ me in cinerem abire fecisti,
ut phænicem Regni efformares.

Vale Rupella, concha mea,
quæ unionem dismembrati corporis mei parturisti

Vale Rupella, arca tæderis mei,
quæ me post finita cum Rege bella,
æternis cum Deo copulasti pactis.

Vale Rupella campus certaminis mei,
ubi lauream martyrii per cædem capeßivi.

Vale Rupella, sterile solum,
mibi tamen satis fræcundum

dum ex gutta sanguinis,
centesimum gloriæ in te colligo fructum.

Vale Rupella, custos corporis mei,
cui pro fideli custodia;

manum meam cum arrhabone Episcopali relinquo,
quo

spondeo me te nunquam derelicturum.

Vale Rupella, vivus testis passionis meæ,
cui pro testimonio

pretiosam in conspectu Domini mortem meam,
ultimis tabulis consigno.

Vale Rupella, depositaria mea,

de qua

de qua costam brachij mei
ad supportanda adversitatum onera
grati animi ergo offero.

Vale Rupella, limbus meus,
in quo

adventum illius qui me de humo tua salvaret,
expectans expectavi Lambertum.

Vale Rupella, decus coronæ meæ
cui

Pater noster, qui est in cælis,
det panem quotidianum.

Vale Rupella, ager sanguinis mei,
in quo

primitias frugum cum innocente Abel
Deo obtuli.

Valete Sacræ Rupellæ Saxa
quæ me,

ex Sczepanovio Stephanum
Levitam Christi effecistis.

Vale Rupella, lydius lapis meus,
in quo

me Regia probavit manus.

Ne

Ne mirare
me tuos deferere Lares
locum enim tantummodo muto non animum.
Vi magneticâ trahor in Cathedram;
ferrum enim capiti meo infixum
aliter extrahi non posset.
Lambertus Antistes Craci
revolvit lapidem ab ostio monumenti mei,
cui
Sventoslava mulier resurrectionem meam,
de sepulchro Rupellæ,
prædixit futuram.

Abi Viator ex Rupella
& quæ quæris, surrexit nō est hic,
Occurre Lamberte velut alter Simeon,
& hoc salutare Dei,
lumenq; ad revelationem gentiū
dum in tuum accipis finem
novo saluta cantico.

EPITAPHIUM IX.
Gnezna Princeps Provinciarum
olim

olim alumno suo
nunc Martyrum Magistro
hocce ponit monumentum
STANISLAO.

Schola fui Sczepanovio
nunc eius discipula.

Manum puerilem eius ad formandas tenui literas,
nunc me tenet sacra eius dextera.

Lectionem ad captum eius dictavi,
nunc vitam eius legendo, disco.

Facilitatem genij eius difficultatibus fatigabam
nunc sola periodum vitæ vix eius capio.

Panem intellectus enutrivì Stanislaum,
& egomet ipsa modo panem
ab eo mendicare non erubesco.

Lac scientiæ propinavi infanti Sczepanovio,
à quo pro lacte favum mellis accipio.
Mancipaveram nobilissimum ingeniū eius
artibus liberalibus,

me verò pro nunc in mancipium trado Stanislaò.
Sedes Sapientiæ quondam eram Gnezna,
me tamen hodie stare jubet ipsa pietas
coram STANILAO.

Seminarium scientiarū me literati
nuncu-

nuncupabant Sarmatæ,
quod cum ita sit,

Culmus Szczepanovius in culmē
Pontificium evectus cum fructu edocet.
In classibus meis nō gratis occupabat locū,
ita enim profecit,

ut primæ classis dici mereatur.

Ita plenum sapientiā reddidi Stanislaum,
ut ipsæ literæ ab illo discere deberent,
mutæ erant literæ meæ Gnesnenses,
sed in Stanislao jam factæ vocales.

Lumen erat atticis illuminans noctes Stanislaus
qui luxisset diutiùs in candelabro Ecclesiæ,
nisi eum æmulus Boleslaus extinxisset.

Fons eram literarum Gnezna,
sed excreveram deinceps in fluvium
scientificos fundente Stanislao sudores.

Palæstra eram Tyronibus,
inter quos

solus Stanislaus Coryphæus.

Infimam vix ingressus classem
jam sublimes de verbo Divino
loquebatur conceptus.

Eruditum jam habuit caput,
ante-

antequam eruditos audisset magistros;
plus alijs profuit discendo,
quàm Seneca docendo.

Totus Stanislaus liber apertus erat,
ex quo

cæteri virtutum commata notabant.

Delphicus pro tunc Tripodas,
eram Gnezna,

oraculum enim mihi erat Stanislaus.

Hic itaq; jacet Stanislaus
sola superstitè immortalè sapientia eius.

EPITAPHIUM X.

Gallia morum norma

Stanislao peregrino suo

Sepulchralem effusis lacrymis inscribit tabulam

Bonis avibus è Gnesnensi nido

In Gallia campū advolavit Sczepanovius:

ut pasceretur inter lilia

ubi Iuri Canonico vacans,

Sanctius evasit Lycurgus,

Patriæ suæ leges daturus.

Appellavit à Gnesnensi scholastico foro

ad sacrum Gallia Tribunal,

ut inde

C

cando-

candorem æquitatis Patritijs afferret Iudicibus,
Mutitur in Gallias veluti mellifica apis,
quæ de medulla lilliorum
suavem lenitatis exportavit in Patriam succum;
mitigandæ decretalium acerbitati proficuum.

In Parisiensi sistitur foro,
ubi

Canonici iuris Arcopagitam
invenit siné capite
codices Poloniæ vetustate corruptos
Gallica lege purgat,

& per digesta ad bona gesta provocat.
Cum Canonico invigilaret juri,
ita profecit,

ut veluti alter Angelus executor justitiæ
corpus juris Canonici assumere crederetur.
Ab externis cogitur petere leges,
domestica enim jura indigenarum vitijs
sæpe sunt propria.

Redux in propria Polonus Moyses monte
*Portans duas tabulas testimonij in manu
sua scriptas ex utraq; parte, & factas
opere Domini invenit, Reum Regni Mo-
narcham: excepit Reus usq; ad interne-
tionem, & corpus Iuris Canonici in Sta-
nislao divisit per partes, iratusq; projecit*
tabu-

tabulas & confregit eas^a ad radicē montis.

Hic ne jacet?

incorruptus Iudex Stanislaus,
& ubi præclara peregrinorum juvenus
voluptate sodalium passim corrūpi solita,
ille sola Liliorum Gallicorum medela
à corruptela innocentiae præservatus
nec minimam Lutetiae Parisiorum
maculam contraxit.

Hic nè jacet exoculata Stanislai æquitas?
inter funebrales mortis umbras?
qui dum Galliam lustravit, illustravit.

Hic nè jacet pro Deo caufidicus?
qui dum causam Dei promovet,
succumbit.

Hic nè jacet explorator Galliae?
nunc verò implorator Numinis pro Gallia.

Vale Viator

& vitam Stanislai Canonum cultoris
pro lege habeto.

EPITAPHIUM XI.

Viator Statûs subsiste

& quæ facies rerum in Regno sit futura
ex nece Stanis'ai
ex audacia Boleslai,
disce.

Poloniæ Regnum jam interregnum.
Libertatis Parens,
jam fædæ licentiæ genitrix.
Cara Patria Regij suo versa in exilium,
imò nec ut exulem pati voluit
nescia punire sceleris Regni magnitudinẽ.
Ad vineas usq, Ungaricas damnatur exilio
ut ibi disceret

quomodo esset colenda vinea Christi.
Ordines statuum, facti disordines,
nam ubi Regius status primum locum tenuit,
deinceps vel extremum vel planè nullum.
Senatorius ordo linguam votandi amisit
ablato capite.

Populus depopulatus,
communitates excommunicatæ,
Civitates sinè civilitate;
villæ viles,
pagi paganis similes,
Colonelli in colonos mutati,
Præto-

Prætoriam sine iustitia,
Magistratus sine iudicio,
Forū ex competenti incompetens,
crimina multa, iudex nullus,
solus Clerus erat clarus.

Viator statū Scito.

Ita solere plecti Regnorum status
ubi in Divos delirant Reges.

EPITAPHIUM XII.

Respublica dicor,
nunc verius Rea publica.
Publica fui ex bona fama,
nunc magis publica ex Regis scelere.
Subterraneis ignota Indis,
ex notorio innotui facto.
Nuncupor Regni corona,
sed non gloriæ.

Aureo nobilitor pomo,
sed non sine primo peccato.

Exemplum alijs Monarchis dedi,

'sed pessimum ;
prima' docui quòd nemo probus discet,
Domina Gentium fui,
Domitianum in moribus gessi.
Neroneæ matris imitata truculentū geniū,
non semel dixi, occidat modo imperet
Boleslaus.

Secuta sum Regis errorem,
putans honorem esse purpurata imitari crimina.
Fidelitatis obsequium me præstitisse arbitrabar,
dum, non quod lex,
sed quod Rex imperasset,
Ecclesiam persequi mihi generositas erat,
sed sinè victoria.

Levitam Christi Stanislaum
dum leviter tractavi
gravissimè plector.
Hostis fui

benè sciens Stanislaum
hostiam pacificam fuisse.
Vocavit me in subsidiū Boleslaus
impietas enim si sola, semper timida,
Adiuvī armis Boleslaum,

sed

sed hocce adiutorium non erat Canonicū.

Conspiravi,

ut Stanislaus exspirasset:

sedumq; fœtus cum Maiestate inij,

ut Stanislaus triumphali posiretur laureâ.

Hic ergo jacet Stanislaus

& in sinu Republicæ sepulchrum invenit,
ubi vitæ uterum habuit.

Viator

Si quid in me vitiosi spectas

Regium est.

Abi Viator

& in futurum me tuam

præcave Rempublicam.

EPITAPHIUM XIII.

Hic jacet Sacerdos Christi,

quem coronatus laicus

vitæ beneficio privavit.

Patris officium gerebat præco Ecclesiæ,
nam & plectendo mulcebat & mulcendo plectebat.

Oratorem sacrū, dum ageret in Cathedra

C4 aurea

aurea voce lucrabatur animas,
vitiisq; defensor acerrimus fuit,
sed,

nè ad suos redirent habitus.
Contra fidem sæpe locutus
sed sectariam.

Ita detonabat contra vitia
ut etiam pluere statim oculi
pœnitentium cogerentur.

In vitijs miram complacentiam habuit,
ut ea extirparet.

Peccata non abhorrui
ut medelam facilius adferret
Peccatorum non semel secutus viam
sed

ut investigando reduceret errantes.

Postquam jam & ipsa vita regnare velle
animadvertit Sacerdos Christi,
jus vetandi promulgavit.

Cesserat jam thronum Boleslaus vitijs,
tacitè abdicando virtuti & pietati,
huic tamen cessioni solus,
non subscripsit Stanislaus.

Elati vitorijs Kiioviensibus Princeps,
Super,

Superbiæ vitiorum Reginæ coronam,
luxuriæ aureum potum,
tyrannidi jus gladij dederat,
hæc tamen insignia solus repetiit Stanislaus,
Sat humilitatis fuit in Stanislao,
dum & cubiculum Regis purgare
ad immundicia non erubesceret.

Viator

Scopas has collige
& si quid immundi intra cordis tui,
cubiculum vides,
vade & expurga.

EPITAPHIUM XIV.

Viator

Si quæris
quis hic jaceat?
pauperes interroga, & dicent tibi.
hic jacet, qui nos,
abiectam pauperum turbam,
porrectâ manu
de cubili sterquilini surgere fecit.
Ditiores nos fuisse nemo crederet
C 5 in ster-

in sterquilinio,
in quos totum, quidquid habuit
erogabat Stanislaus.

Paupertas nostra gravis
quandocunq; hæserat in luto,
eam Stanislaus admoto
brachio suo exportabat.
crebrò cribrabat finum,
& non invenit,
nisi depositum pauperum.
More Gallinarum revolvebat
pauperum sterquilinia,
& nec micam inveniebat nisi dedisset.
Piè prodigus fuit Stanislaus,
etenim

quidquid pretiosi habuit in lutum proijciebat.
In angulis quærebat sollicitè pauperes
in his enim,

veluti in angularibus lapidibus,
Christi stare credebat Ecclesiam.

E luto pauperes.

quasi hirūdines ad suas evocabat fenestras
ex quibus, escam esurientibus ministrabat

Pasce-

Pascebat miseros,
quos depascebat fames,
& quibus solum cænum cæna erat,
de proprio pænu dabat dapes.
Nihil ei magis sapuit,
quàm egestas pauperum,
nec ei sufficebat,
illis tantum necessitatibus opem ferre,
quas noverat,
qui ad extimos terminos,
charitatis indage porrectâ,
prius solebat indigentium respicere causas
quàm inspicere Personas.
Nullius obesse potuit tenuitati.
si Te Stanislæ
expetere non possit;
nam, præveniebas manibus illū.
qui non valuerit ad te pedibus pervenire.
Transibat in alienas Provincias
vigilantia tua
& in hoc curæ Tuæ
latitudo diffunditur
ut lon-

ut longe positorum ,
consolaretur angustias
& hinc fuit, ut quia crebrò Te,
non minùs absentium verecūdia
quàm præsentium querimonia movebat,
sæpè terteris eorum lacrymas,
quorum oculos non vidisti.
Vale desiderium pauperum
STANISLAUS.

EPITAPHIUM XV.

Supra tumulum Petravini.

Hic jacet corruptus testis
Petravinus,

qui etsi sanus corpore non esset,
valde tamen recognovit.

Correxit errorem Petri, à quo derivatur,
nam ab effeminato interrogatus Rege nō negavit,

Possessionum Ecclesiæ,

de qua invida disceptabat aula,
lapide sepulchrali firmavit,
limitemq; posuit.

Ecclesiæ bona Stanislaus aliter
vindi-

vindicare noluit;

nisi

deductis ab ipsa sepulchrali Petravinī
foveā scopulis.

De limbo Patrum revocatur Petravinus,
infernum invenit in aula Regis.

Ut se Stanislaus ab obiectis purgaret,
de purgatorio testimonium adhibet.

Contra audacem Regem,
arescentibus præ timore mortalibus,
sola animantur cadavera.

Ipsemet Petravinus,
clausum sibi aperuit monumentum,
ex nomine enim clavicularius fuit.

A triduo solutus sopore

Somnium vitæ humanæ
interpretatus est Regi

Petravinus,

Mortuam veritatem inter vivos
perspectam habens Stanislaus
viam inter mortuos invenit.

Oritur de terra veritas,
terram Ecclesiæ vindicatura.

Sistitur coram Rege Petravinus,
ut

gressum

gressum Petri reddi Ecclesiæ] exigeret.

Caduco iure bona Ecclesiæ
prætendebat sæcularismus

sed suscitavit caduceatorem Stanislaus,
jus caducum annullantem.

Liberè loquebatur Regi
quia nobile cadaver erat.

Non unam redivivus sortitus est animam,
nam etiam spiritu Stanislai loquebatur.

Hic itaq; jacet,

Resurrectionis Symbolum
non natus, & vivus

veritatis index

Purgatorij incola,
Stanislai miraculosus partus,
Petravinus,

Viator,

in bona Ecclesiæ non invola
nè

& te pij manes cogantur convincere
quibus precare requiem.

EPITAPHIUM XVI.

Supra Sepulchrum Ioannis Dlugosij.
Cano-

*Canonici Cracovien: Archiepiscopi Nomi-
nati Leopoliensis, Chronologi viæ D. Sta-
nislai, Contratris Patrum Ordinis S.*

*P A U L L I P. E. Promotoris Specialis-
simi, ad possidendum Martyrij
locum in Rupellia tumulati.*

Hic jacet ars longa, vita brevis
Ioannes Długosius,

immortalis tamen, quia Ioannes,
sic enim eum superi voluere manere.

Monumentum hoc bibliotheca est,

in qua

Author vitæ Stanislai clausit
librum generationis suæ.

Emori cogitur eius calamus,
vitæ S T A N I S L A I scriptorius,
quia totus nece Stanislai plenus fuit.

Plane totum Martyrij sanguinem
in chartas chronologicas effudit
& sic exanguis mori debuit.

Vitâ Stanislai vixit Długosius,
dum scriberet,
& vixisset longius.

nisi mors periodum apposuisset.

Virtutes Stanislai dum canonizaret
vitia tamen Boleslai subticuit,

ne pæ-

ne pœnitenti injurius foret.
Par Longino fuisset Dlugosius,
nisi quod ille latus tantum,
hic totum Stanislai Corpus
acuto calamo aperuit.

Dispersos corporis martyrizati
collegit articulos.

Suumq; piscinæ immerfit calamum,
ut totam sinè defectu descripsisset
corporis structuram.

Nemo melius coronam Martyrij
in capite Stanislai
meti potuit,

quàm Longinus Canonicus Cracoviensis,
ad coronas Cathedrales natus.

Paulinæ Religionis Philadelphus.
hic jacet,

& in vita, & post fata Confrater.

Viator Religiose siste gradum!
& sepulchralem quem calcas lapidem
gratâ mente pervade.

Viator Pauline

nunquâ in hoc lapide Rupellæ quievisses,
nisi te Longinus in suo portans humero
posuisset.

& cor-

*Et corvus tuus ex Arca Claremontana
emissus,*

Sacrum Stanislai non invenisset cadaver,
nisi Præcursor viam monstrasset Ioannes;
Archiepiscopale simul cum vita
hic exuit pallium
fatis sibi arbitrans ad gloriam;
sub palmæ Paulinæ tegmento
æternam habere requiem.

EPITAPHIUM XVII.

*Inscriptum Boleslao Regi occisori Divi Sta-
nislai, tumulato in Carinthiæ Mona-
sterio Officiænsi Ordinis D. Benedicti.*

Viator Polone

tuus quondam terrigena
nunc à communi exclusus terragio
in aliena alter Palinurus jacere cogor arena.
Dulce solum Patriæ meæ mihi denegatum,

ut

magis amaram obirem mortem.
Dominus fui Polonæ terræ
mandare tamen illi corpus meum
audax non sum ausus.

Pati me mortuum noluit,
D nimis

nimis enim me gravē & onerosum sensit.

Viscera hæreditariæ non merui terræ,
factus alter Nero.

Fatis cedere nolui, & in fata mortis alibi incidi.

Viator ne mirare

Sepulchralem in alieno fundo,

me quærere debuisse foveam,

ita enim sacrum Stanislai magnitudine
virtutis, & latitudine miraculorum
excreverat cadaver, ut tota ei in tumulū.

Patritia vix sufficere videbatur terra.

Viator crede!

s quietis pro me non erat in Patria,

quia nullus locus erat,

quem mea non inquietavit impietas.

Victor eram famosus

sed hanc ipsam victoriā vicerunt crimina,
quæ me, in mortis catastā duxerūt captivū
usq; Carinthiam.

Ex Kijoviensi triumpho

solum non nisi peregrinorum baculum
exilij mei comitem exportavi.

Hostes foris quæritos expugnabam,

& domesticum hostem voluptatem

libertate donabam

Salutarem Stanislai monitionem

satyricam putans invec tivam,

crudo

crudo ferri (dolendum) cum expirationis nota,
expedivi stylo.

Pro cara Patria, Carinthiam inveni,
ossaq; mea in Ossiacensi humanda
dedi Afcatorio.

Culinæ servitorem ibi dum agerem,
Sceptra Regia, ut mecum arderent,
igni dabam

Portionem cælestis gloriæ,
ut mihi præpararem
solus cocturæ me applicui,
nec me puduit in fumo manere culinario,
cui charum erat,

quondam pro focis & aris pugnare.
Mortem inveni in olla
quam in aula Regali habere non merui.
Ad ignem me damnavi,
ut, alter Scævola, interemptricē castigarē
dexteram.

Vale Viator

& me minimam scintillam Regni
in hoc culinario cinere scito sepultum.

Genuinum transumptum Epitaphij
Boleslai Regis uti exstat Ossiachi.

*Occidit, Romam pergit, placet Ossiach illic.
Ignotus servit, notus pia lumina claudit,
Ossiach hinc placeat, Tibi Stanislae, Ty-
rannum*

D 2 Mitem,

*Mitem, quod factum, caelestibus intulit
astris.*

Genuinum transumptum Divi Stanislai
ex Długosio.

*Tumba Stanislai, cineres tegit ista beati,
Regis Boleslai, quia non faveat impietati.
Martyrio meritas cali migravit ad aedes
Felix, cui Deitas merces, cui sydera sedes*

Epitaphium Polonicum.

*Duobus versibus supra tumulum Boleslai
inscriptum in Ossiach.*

Prawdźwym Bolesławem bydź się pokazuiesz,
Gdy boleśną pokutą złey stawy wetuiesz.

EPITAPHIUM

*Illustrissimi & Excellentissimi Domini,
D. FRANCISCI SZEMBEK,
Dapiferi Regni Magni Cultoris Divi Sta-
nislai, in Circulo B. MARIE Virginis
tumulati.*

*Hic jacet in Circulo
quasi ad rotundam mensam
Dapifer Regni*

more duellantium se gessit cum morte,

nam,

extra Circulum, non movit pedem.

Arte

Arte Philosophorum, conclusit vitam
in Circulo, sed non vitioso.

Quia felicitis æternitatis Symbolo.
Assumptæ Virginis, elegit tumulum
decebat enim,

ut ibi celebraretur dormitio Rosæ
ubi spina nulla.

Cupressio antiquitas,
sua decorabat monumenta.

Hic, à nativis immortalē
mutat decorem Rosis.

Viator subsiste,

& odore Rosarum delectatus compatere:

Folium enim erat vita Dapiferi
quod à vento rapitur.

Transplantatur & non arefcit hæc Rosa,
cuius amore ipsi languebant cæli.

Floridam ætatem, melius concludere
non potuit,

quàm, *in Horto concluso Mariano.*

Morte prævèri, solent pallescere mortales,
hic totus rubicundus decessit.

Portio erat non posrema Regni
hic Dapifer,

& certè evasisset in cibum grandium,
nisi mors in ollâ lauisset.

Et Regium plus contentabat appetitum

desiderio sui quàm dapibus.
Quidquid maiestas, dulcedinis sensit,
post fata Dapiferi sui
arma sibi & ipsa dulcedo
non falso gustu videbatur.

Viator attende!

Eriam Regum mensæ
non finè crudâ doloris portione.
sauciant magis quàm satiant,
Exquisite dapes, quas fata ferunt.

Ita est:

Qui nuper speciales ad placitum Regis
deferbat dapes,
nunc fert lachrymas.
Manus eius tornatiles,
ita rotundam accommodabant mensam,
ut post panes Martios
sola orbis Poloni gloria
gustui esset Maiestati.
Nihil enim unquam
sub tanto Dapifero scepuit
quod aliquando displicere deberet.
Bellorum sanguine sæpè imbuti
Regales cibi,
nè veluti fermentum
Totam læsæ Maiestatis
corrumperent massam,

Præca-

Præcavebat ex munere Dapifer.
Diversos civium appetitus sic corrigebat,
ut & eiusdem sensûs,
eiusdemq; labij essent.

Mensam quoq; Regiâ sic disponere novit,
ut & calida frigidis, & frigida calidis
amaræ bili dulcia
prout humorem uniuscuiusq; postulare iudicabat,
apponeret.

Illos tantum panes propositionis
Regiæ subministrabat tabulæ,
quibus, quasi Bullâ Cænæ Domini
scissos Quiritum animos
ad commune Reipublicæ redintegraret
& revocaret corpus.

Ipsam Ministerium
cupiditate quadam ambebat SZEMBECIUM,
cuius
excoctum optimè prælibavit ingenium.

Par Aquilæ Iovis ministræ erat,,
cum hoc tamen discrimine,
quòd illa fulmen hic Minister panem
Lechico obtulerat Iovi,
Pro Focis & Aris belligerantes
nunquam incænatos remisit
quin eos

Panc benemeritorum refocillaret.

Spes tantum vana alebat alios,

D 4 sed

sed illi
pinguem de mensa Regis participabant
fortunæ offam,
quos distributiva Dapiferi
alebant dextera.

Procul erat hic Minister
à mensa nummulariorum:
bene enim noverat,
hæc alimenta struthionum esse,
non hominum.

Adeo vagus inest mortalibus gustus,
ut satiati vivo favore Principum
quandoq; recalcitent,
Mensamq; prinæ educationis suæ
evertere conantur:

Novūq; sibi licet nocivū appetitū formāt,
& post mendaces Mydæ currunt mensas,
ubi post alios
micas tantum colligere coguntur;

quæ
non tam satiant quam exasperant,
Hanc mensam veritam esse sibi,
bene norunt illi,

qui ex virtutis merito & non pretij
fidelem Regibus præstant famulatum.

Mercenarij enim est,
propriæ utilitatis spectare proventum:
& plus æstimare sibi nummum,
quàm

quàm Numen.
subitò tales genij
sua fastidiunt ministeria,
si eis demas ollam Fortunæ
ad quam magis respiciunt,
quàm ad vas honoris.
etsi bene
perspectam habeant ollam fortunæ
ita fragilem esse
ut etiam
ad minimum aulæ susurru concussa
in vas contumeliæ desinat.
Sola & unica merces ministerij
Honor stat impavidus
etiam si feriant ruina.
Citò nimis se deobligant venales ministri,
si eos
aurea Herculis ad latus Principis
non alligat catena
Libellum Repudij sæpe petunt ab aula,
si sine dote nummi ducant Regni servitia.
Ministrum egit & Dapifer Regni
sed non stipendiarium.
Annuas ministerij non computabat
Calendas
né putaretur aureum numerū prætere
Extra tempora etiam
Satagebat circa fræquens ministerium,
ut se

ut se non temporaneum, sed ad ultimam
usq; mortis tabulam

profiteretur Regni vasellum.

Extra numerum illorum erat,
qui Ministerij sui quadrantes,
aureo Pactoli metiri pulvere volunt:

Pondus diei & æstus
portabat in meridie Dapifer Regni,
grossum tamen diurnum etsi meruit,
recusavit.

Alternant alij vices ministerij sui,
intervalliq; sua relevant fatigia:
hic in deficiente conatu,
ita solus ardua Regi percurrerebat negotia,
ut nec momentum esset,
ubi solidi aliquid in stabilimentum Patriæ
non elaboraret.

Multos quidem ultimos consumentes
numerabat Polonia,

nunquam tamen
egenam videre contigit,
sub tali Dapifero,
qui etiam proprio non pepercit penu,
ut Patriæ satis esset.

De industria Phalaridis taurum
contra innatum Regni appetitum
in vulcani forno coquebant malevoli,
ut tam servili

libe-

liberam gentem tractarent obsonio:
Magnâ tamen Dapiferi Regni prudentiâ
rediit in authores scelus,
& pro Tauro Phalaridis
ipsi artificis mugiendum erat.

Jam finitur mensa Regni
ubi finis ultimus vitæ Dapiferi.
Hactenus publica Regni nunquâ vacabat mensa
nunc feriari cogitur,

Inter dapes mors est hospes!

Eheu

Tragice victor abstine!

obsonia hæc,

vitæ sunt nutrimenta non mortis.

Cadaverica more vulturis ede morticina,
non immortalitatis edulia.

Totum in uno vis contumere Regnum!

falleris,

hæc enim ossa,

cibus grandium est, non fati.

Diu luctabantur fata cum Dapifero
antequam suâ potirentur prædâ.

In Leonis Gothici inciderat rabië Dapifer
quem affabili & nunquam fucata

comitate morum,

serena nata ad utrumq; indole,

amorem spirante, oris rarâ modestiâ,

cicuravit vultu ut potius

ipse

ipse Leo capi videretur amore captivi.
Sævire Leo nescit in capricornum,
cum quo in cælesti statione
velut in eodem Zodiaci campo
concorditer pabulatur.

Jam & mortem concaptivam secum habuit,
Illa tamen fatum eius differre videbatur
nè sub signo inimici leonis occumberet.
Ipsa mors captivitatis horrebat nomen:
nec eum aggredi ausa, donec
ad nativum aureæ Libertatis,
revocaretur statum:

Magis enim superis liberi placent manes.
Postquam inconditos maris Gothici sales
transfretavit Dapifer,
incidit in Pyratam mortem
se ad Patrios usq; comitantem limites,
ubi crepto sibi aureo Gētilitij Capricorni vellere,
Iason Lechicus desijt vivere.
*Citiùs pericula inveniuntur domi
quæ foris evitantur.*

Extra Heterodoxam moritur Ecclesiam,
nè etiam
post fata communicare videretur ijs,
quorum dispar cultus & Religio.

Agni cælestis
in dividuus comes Capricornus Dapiferi,
nè extra ovile Christi decederet,
dome-

domesticos petit Lares
in Regalem Prussiam
dum pro respiro divertit, brevi moturus
in motu terminum invenit:

& ubi

paulisper gradum sistere cogitat;
cursum vitæ consummare cogitur
Ibidem post adversæ fortunæ incommoda,
dum quieti indulgere tendit,
Requiem invenit.

Idem Dapifero portus erat navigij,
qui & mortis.

Debitū mortalitatis alibi exolvere noluit,
quàm in emporio Regni.

Gustavit ex munere Dapifer,
& vidit

quia bona est negotiatio,
ideo inter negotiantem populum
mori lucrum credidit.

Cognata Principibus Dapiferi ROSA,
Rosam Metropolitani Archipræsulis,

D. ALBERTI,

ut sibi magis affinem fecisset,
Prussos, mortis suæ testes esse voluit,
quos Archiepiscopalis Rosa
suæ cædis habuit Authores.
Gloriosius moritur in Prussia
quàm alibi,

cui

cui non simplex persolvit iusta, cupressus
sed cui

Diva parentat R O S A.

Non sine arte

mensam reliquit Dapifer Regni,
quia sui reliquit desiderium.

Placere singulis ars est,
sed placere universis ars artium est:
quæ, ita docilem effecit
naturam magistrum Dapiferum
ut singulis *Gratianus*, omnibus *Placentinus*
esse studeret.

Prima, ei Majestatis cura,
primumque obiectum *Honor Regius*.
In ministerium Regis totus effusus erat,
ut etiam proprio non parcere sanguini
paratum nemo non crederet.

si quando mensæ serenitatis servire
necesse erat,
magis servivit Regis cordi.

Appetitum Principis
melleo oris succo sic dulcorabat,
ut quandoque
asperitates status nullum præferre
viderentur fastidium.

Ubiq; fidelem se probavit Dapiferum,
dum

nullos osiores Majestatis pateretur,

Domy Ghehe Graeo: A. ad B. Bar
semper
bar

semper strenuus;
etiam extra mensam,
coronati Honoris vindex
Publicas civium offensas
in svaves immutabat offas,
nè pabulo diffidentia,
intestina nutrentur odia.

Eò impensius
Saluti Maiestatis invigilabat Dapifer,
quò certius perspectum habuit,
salutē publicam, affiliatā Regiæ periclitari,
eadem periclitante.

Gloriosior longè apparatus mensæ Regiæ
sub tanto Dapifero,
quam olim *Antonij*,

Hic in *Cleopatra* unione:
totum consumpsit mundum muliebrem
ille in unione Civium,
totum restaurare nititur mundū Poloniæ.


Semel tantū
Regali pompā instructus Balthasari Regis
convictus,


indigitante imaginariā dexterā
inventus est minùs habens,
at verò Dapifer
quoties ad mensam apparuit Regis;
emper in exhaustam de manibus suis
dispensabat opulentiam.

Recef-

Recessit à mensâ Regis
sed non recessit à corde Regis
Dapifer.
Desiderium enim *Tanti ministri*
semper inquilinum manebit
pectori maiestatis.







Biblioteka Jagiellońska



stdr0025412

